

Ley no ta permiti presion politico riba Parlamento

Cu prueba Lejuez mester bay Fiscal pa intimidacion

- *E mester presenta tur prueba di caso cu a causa retiro*
- *E mester bisa cual ley a pasa a base di presion formal*

ORANJESTADA(AAN)-- Pa algun luna Daphne Lejuez a uza su posicion como miembro di Parlamento pa bisa cu e ta wordo poni bou presion pa acepta e Ley di Serlimar. Despues di dos aña cu el a sostene e coalicion actual, awor e ta bisa cu e ta bira independiente den Parlamento pasobra el a bira victima di presion pa bay contra su consenshi.

E acusacion aki ta sumamente serio y ta bay mas leu cu tratamentu di un solo proyecto den Parlamento, cu no a vota ainda riba e ley pasobra Lejuez ta uno cu no ta di acuerdo.

Croes di RED tampoco ta di acuerdo mientras tabata tin hopi pregunta di tur fraccion den Parla-

mento pa loke ta trata un ley cu ta mishi entre otro cu bienestar comercial di un compania local.

Pues legalmente no ta midi un ley pa pasa Parlamento ni bienestar nacional na un problema cu un persona por tin cu su partido of coalicion.

Sinembargo, tin leynan penal cu ta castiga cualkier persona of instancia cu ta intimidada un miembro di Parlamento y ta exige pa e actua contra di su consenshi loke ta contra Aruba y contra ley.

Den e declaracionnan di Lejuez, presion politico ta loke mas el a trece dilanti. No a lesa nada riba e gastonan, e visibilidad, e necesidad, e motibonan pa bay contra e ley. E obhecion mas grandi di

Lejuez, si mira contenido di su declaracion, ta cu pafo di e circulo oficial, a pone presion riba su persona y a crea e impresion cu e ta actua a base di interes personal. Lejuez a haci publico cu e den pasado y awor su esposo, lo tin relacionnan cu ta wordo uza como un forma pa trata di crea un presion cu no ta na su luga.

Lejuez ta bay mas leu. El a acusa gobernantenan actual di ta bay contra Aruba, contra nan consenshi pa tene e coalicion actual riba pia.

Informantenan ta muestra riba gravedad di e acusacion aki. Nan a muestra cu Lejuez mester bay Ministerio Publico y acusa, cu prueba, tur exponente di gobierno cu a for-

sa su persona dos aña largo cu el a keda den gobierno, pa bay contra interes di Aruba.

"Tur politico mester biba cu tension politico. Tur gerente ta conoci cu e tension di trabou. Awor Lejuez ta papia di algo cu ta intimidacion. Pues e ta wordo presiona y esaki ta castigabel. E mester bay Ministerio Publico cu prueba pa oficialmente acusa tur cu a intimidada su persona, a lanta falso acusacion contra su persona of a stroba su persona di actua segun su consenshi. E mester bisa cual ley a pasa cu su sosten contra di su consenshi den e ultimo añanan, "informantenan a indica den e caso sumamente serio.